

rei evidenciam sigilla nostra presentibus duximus apponenda, Datum apud Telgis, Anno domini. M°. CC°. Nonagesimo octauo. In aduincula beati Petri.

Sigillen N:o 1—3 nästan oskadade, N:o 4 bortfallet.

1244.

1298 d. 10 Augusti.

Upsala.

Ärke-Biskopen NILS ALLESSONS stadfästelse på Lydbiskoparnes aflatsbref för Sko kloster.

A. 3. b. 1.

Vniuersis presentes litteras inspecturis. NICHOLAUS miseracione diuina. vpsalensis Archiepiscopus, salutem in domino sempiternam. Vt fideles christi, eo frequencius & deuocius visitent loca sacra. quo exinde largiores se senserint indulgencias reportare. Nos volentes ecclesiam dilectarum in christo filiarum abbatisse & sanctimonialium in sko. congruis honoribus frequentari. indulgencias quas venerabiles fratres nostri. domini. Bryniolfus. skarensis, Laurencius Lincopensis, Jsarus strenginensis, Petrus Arusiensis, Magnus Wexionensis, & Magnus Aboensis, dei gracia episcopi, Anno dominj. Millesimo. Ducentesimo. Nonagesimo. VIII°. in concilio nostro. Telgis, visitantibus predictam ecclesiam in sollempnitatibus. sancte Marie. s. assumptionis, Natiuitatis. Purificacionis. & Annunciacionis. ac in natiuitate sanctj Johannis Baptiste. seu eciam Beatorum Benedicti. & Bernardi confessorum contulerunt, actoritate qua fungimur. approbamus & ratas volumus perpetuo permanere. In cuius rei testimonium. sigillum nostrum presentibus est appensum. Datum, apud vpsaliam, Anno prenotato, in festo Beatj. Laurencij, Martiris.

Ärkebiskopliga sigillet något skadadt.

1245.

1298 d. 13 Augusti.

Getinge.

Konungens i Danmark Capellans och öfrige Domhafvandes på Getinge Ting i Halland utfärdade Fastebref på Gamalsboda, såldt af Höfvidsmannen på Falkenberg Nils Djekn till Herr Nils Kettilsson.

A. 6. a. 2. 41.

Omnibus presens scriptum cernentibus. THRUGOTUS illustris regis danorum capellanus, JACOBUS decanus in halmstath hærath. NICHOLAUS aduocatus in falkinbergh NICHOLAUS TUKA SON. NICHOLAUS KYRNYNG, MATHEUS OLLEF SON. THYRBERNUS THYOK ceterjque placitum getyngē visitantes, salutem in domino sempiternam Notum facimus vniuersis & singulis Nicholaum diaconum aduocatum in falkynbergh Discreto viro Domino Nicholao kætillson omnia bona sua que habuit in gamals botha videlicet tres curias & vnum molendinum

cum siluis & prediis dictis curiis attinentibus mobilibus & immobilibus in placito getonge, pro LX:ta marcis den. legaliter scotasse, que quidem bona martinus amunda son & filius suus sterbernus Nicholao diacono aduocato in falkynbergh in dicto placito ad quartam feriam pasce pro LX:ta marcis den. scotauerunt, ea condicione quod nisi dicta bona in prefato termino redimerent dicto N. aduocato cederent possidendi gracia uel vendendi seu alienandi iure perhennj. Ne igitur memorato domino Nicholao kætils son super dicto scotacione legaliter facta in posterum sibi possit uel debeat calumpnie materia seu dubium generari siggillum hallandie vna cum siggillis nostris presentibus sunt appensa in testimonium & cautelam plenioram. Datum anno Dominj M° C° C° nonagesimo VIII° In die beati ypoliti martiris.

Sigillen N:o 1—6, 8 bortfallne, remsorna qvar; N:o 7, adligt, nästan oskadadt.

1246.

1298 d. 13 Augusti.

Getinge.

Konungens i Danmark Cappellans och öfrige Domhafvandes på Getinge Ting i Halland skrifvelse till Marskalken Thorkel Knutson med anhållan om dom öfver en lagbrytare från Westbo, som stulit en ox och 12 svin.

A. 6. a. 2. 42.

Nobili Domino & honesto. Illustris regis sweuorum Marscalco. THRUGOTUS illustris regis danorum capellanus. JACOBUS decanus in halmstatha hærath. NICHOLAUS DIACONUS aduocatus in falkinbærgh. NICHOLAUS TUKA SON NICHOLAUS KÿRNÝNG, THORBERNUS THYOK necnon & ceteri commune placitum, getonge visitantes. seruicium promptum & paratum & omnem reuerenciam quam poterant cum salute. Dominacionj vestre presentibus significamus quod quidam legis transgressor nomine johannes thorhælpha son de wæsbo bouem cuiusdam Joon trata son furando abstulit & de quadam vidua in kynnariuth Nomine Olóf XII:cim sues pingues furtiue subtraxit, vnde Nobilitatem vestram requirimus & humiliter imploramus quatenus ex quo cunctis ad uos fugientibus iusticiam facitis & cum constet notorium & pluribus ipsum manifestum furem super dictum johannen. iudicare velitis ut predictus joon & vidua predicta *et* dominus Nicholaus ex parte ipsorum qui dictas causas prosequitur iusticie habeant complementum quod apud dominacionem uestram volumus firmiter deseruire In cuius rei testimonium siggilla nostra presentibus vna cum siggillo terre sunt appensa. Actum anno Dominj M° C° C° XC° VIII° In die beati ypoliti martiris.

Sigillen N:o 1, 4, 7 skadade; N:o 2, 3, 5, 6 bortfallna.